

KABINET POTPREDSJEDNIKA FEDERACIJE BIH - 1102 sa sjedištem u Sarajevu, ul. Musala br. 9, ID broj: 4200669540004 (u daljem tekstu: Kupac) koga zastupa i predstavlja potpredsjednik Federacije BiH Refik Lendo

i

HIFA-PETROL D.O.O. SARAJEVO, sa sjedištem u Vogošći, ulica Hotonj bb, ID broj: 4200999090005 (u daljem tekstu: Dobavljač) koga zastupa i predstavlja direktor Muhamed Vrabac Na osnovu Odluke broj: 02-11-12-259-10/25 od 30.06.2025. ugovorne strane na dan 15.07.2025. godine zaključuju

OKVIRNI SPORAZUM o nabavci goriva

Član 1.

Ovim Okvirnim sporazumom ugovorne strane su se sporazumjele da će Dobavljač, tokom cijelog ugovorenog perioda vršiti sukcesivnu isporuku goriva za potrebe Kupca.

Okvirni sporazum se zaključuje na osnovu provedenog postupka javne nabavke objavljenog na portalu javnih nabavki broj: 485-7-1-31-3-9/25 od 2025. godine.

Sastavni dio ovog Okvirnog sporazuma je prihvaćena Ponuda Dobavljača broj: JN – 1973/25 od 25.5.2025. godine, sačinjena prema specifikaciji iz tenderske dokumentacije.

Član 2.

Ugovorne strane su se međusobno sporazumjele da će se ugovorene robe isporučivati i plaćati prema utvrđenoj jediničnoj cijeni iz ponude dobavljača i to:

EURODIESEL EN 590 EURO V 1,96 KM/l bez PDV-a

(OPCIJA) Odobreni rabat sadržan u cijeni, vrijedi za svo vrijeme trajanja Okvirnog sporazuma, iznosi 0,00 KM/l i ne može se mijenjati.

Dobavljač se obavezuje na nepromjenljivost ponuđenih cijena tokom cijelog ugovornog perioda osim u slučaju promjena cijena na tržištu naftnih derivata.

Za svaku izmjenu cijena goriva uz relevantan dokaz, dobavljač je obavezan u pisanoj formi obavjestiti Kupca.

Kao dokaz o promjeni cijena na tržištu Dobavljač će priložiti kopiju OPC obrazaca od Federalnog ministarstva trgovine ili druge nadležne institucije i to važećeg OPC obrasca za važeće prodajno mjesto (pumpnu stanicu najbližu ugovornom organu).

Jedinične cijene goriva utvrđene su u ponudi fco. benzinske pumpe Dobavljača bez uračunatog poreza na dodanu vrijednost i ne mogu se uzimati za razlog neisporuke ugovorene robe. Porez na dodatnu vrijednost će se obračunati u skladu sa Zakonom.

Član 3.

Okvirni sporazum se zaključuje za period od 12 mjeseca odnosno najkasnije do finansijskog ispunjenja i izbora novog dobavljača.

Maksimalna vrijednost Okvirnog sporazuma iznosi 12.000,00 KM bez PDV-a.

Kupac zadržava pravo potpune ili djelimične realizacije nabavke robe po Tenderskoj dokumentaciji, a u skladu sa Zakonom o javnim nabavkama Bosne i Hercegovine.

U okviru ugovorenog perioda za pojedinačne nabavke se neće primjenjivati odredbe propisa kojim se uređuje postupak javnih nabavki.

Član 4.

Dobavljač se obavezuje da će redovno vršiti isporuku predmetne robe u ugovorenom periodu od 0-24 sata kako je predviđeno tenderom, u skladu sa potrebama i narudžbama Kupca.

Kupac je svrstan u „prioritete“ u pogledu isporuke roba neovisno o situaciji na tržištu.

Ovlašteno lice Kupca se identifikuje važećom Karticom za točenje goriva.

Kartice nisu prenosive i može se koristiti samo za pojedinačno službeno vozilo Kupca.

Član 5.

Osnov za plaćanje ispručenih roba jesu fakture/računi koje Dobavljač dostavlja ugovornom organu za uredno isporučenu robu, a na osnovu otpremnih dokumenata koji su potpisani od strane ovlaštenog lica Kupca koji je vršio točenja goriva u službeno vozilo.

Plaćanje na ime isporučenih roba Kupac je dužan vršiti putem Trezora Federacije BiH i to na žiro račun Dobavljača broj: 3385502203296597 kod Unicredit banke, i to u roku od 45 dana od datuma ispostavljanja fakture.

Član 6.

Ukoliko Kupac utvrdi bilo kakve nedostatke ili da robe iz člana 1. ovog okvirnog sporazuma ne odgovara propisanom kvalitetu što je kao posljedicu imalom štetu na vozilima Kupca, Dobavljač je dužan odmah odnosno u roku od 5 (pet) dana izvrši zamjenu predmetne robe i nadoknadi eventualno prouzrokovanu štetu.

Član 7.

Svi uslovi iz tenderske dokumentacije broj: 02-11-12-259-02/25. od 28.05.2025. čine sastavni dio Okvirnog sporazuma. Eventualno nastale sporove pri realizaciji ovog okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 8.

Svaka od ugovornih strana može otkazati ovaj okvirni sporazum, pismenim putem, uz otkazni rok od 30 (trideset) dana iz razloga propisanih Zakonom o obligacionim odnosima.

Član 9.

Ovaj Okvirni sporazum stupa na snagu danom potpisivanja obje ugovorne strane.

Član 10.

Okvirni sporazum je sačinjen u 4 (četiri) istovjetnih primjeraka, od kojih svaka ugovorna strana zadržava po 2 (dva) primjerka, za svoje potrebe.

„Hifa-Petrol“ d.o.o. Sarajevo

Muhamed VRABAC, direktor



Broj:

1507/25

Datum:

16.07.2025.

Potpredsjednik Federacije BiH

Refik LENDO



Broj: 02-11-12-259-11/25

Datum: 15.07.2025.